



831013

甲行日注卷四

一字浮祿

本拂

纂

十二月初一日癸酉小寒陰微雪大風異冷
日以松毬爲辟寒香昨風雨未及往拾遂
如子卿雪窖中不寒可忍

初二日甲戌晴與兒甥往聖恩寺觀說戒受
戒一百餘人威儀燦然剖公自方丈出先
以執柄爐二人執小磬二人執戒規二人

荆駢逸史

甲行日注四

一

一

執如意九人執鉢一人執提燈二人皆紅
戒衣師執拂居後紅綠錯色戒衣各稱岑
師釋迦牟尼佛號誦聲琅琅環繞殿內外
周行數巡乃坐執如意九人立南向迤而
東每席設香爐花瓶精潔現麗殿門東西
各二人立司鐘磬梵音迭舉受戒諸僧咸
羅拜殿庭以十拜爲節揭磨在前殿向北
坐先審問平昔教以律儀然後二人引至

壇前跪受焉三人爲一壇授畢又復三人
是日共四十八壇云薛諧孟楊維斗吳茂
申皆在說戒起吾輩卽不得立殿中觀其
教制然也武進鄉同年韓不挾嗣子公嚴
亦僧服同諧孟在言江東事極推重余武
貞經世之畧有道之品也城破自投水死
不愧第一人矣金華被禍最慘張玉笥闔
門死之厲車裂馬士英以殉快哉晚集伺
寓仲日仲夜在夜宿奉慈菴

荆皖逸史

甲行日注四

一一

初三日乙亥晴冷濃霜午集侄寓仲熊子方
公玉在同返經董宗伯份墓規模闔麗而
碑遂木石俱已凋零昔桂花有百本橫枝
交錯夾道相覆二三十年僅存數樹皆摧
殘剝落之餘矣滄桑固足生感亦見孫謀
貽翼惟德世延君子當強爲善也

初四日丙子陰冷又得蠟梅花一大枝

初五日丁丑冷大風雨接夜

初六日戊寅冷雨雪大風撼屋欲崩

初七日己卯晴冷甚午後復大風又得紅梅

花一枝

初八日庚辰晴冷斜月半規幽光脉脉愁人
初九日辛巳晴冷遺詩剖公公復云頃接翰
教知大根器與楊李並駕願諸檀護得展
戒法儀規縱使靈山儼然必待旁觀證據

荆院逸史

甲行日注四

二二

若能於高沙彌邊看破又何須向羯磨師
拾唾餘乎佳什燦如不能賚和當錄日來
上堂話奉酬雅意佐工夫鞭影何如

初十日壬午陰冷甚顧太冲和初度詩云客

春水澍結荒廬回首衡茅又已墟雖未禪

宗傳法鉢肯隨俗流曳塵裾林泉容補華

封頌山寺還叅唄梵書幸遇故知同聚塢

團瓢揮塵說玄虛 一 初歸山麓路頻迷三

匝林梢未定栖每聽捷音連塞北又聞義
旆遠關西鷓鴣捧頰祝將調鼎扶杖何須事
鼓鞶遙憶奔亡還洒淚一回相晤一回提

二各宗
亮

十一日癸未晴冷薛諧孟韓公巖來諧孟仍
以前韻贈詩云狐裘相顧各蒙茸步訪頻
經千尺龍簪合秦淮追正思袖籠滄海問
朝宗漁村榔響疑鳴鑿山寺鯨轟憶禁鐘

荆楚逸史

中行日注四

四

誰許梅花笑孤寂杖前亦有白雲從余留
小飲言中州具茨山古松一本在翠微上
與巔埒大數十圍皮如水彫雪積三十里
外見卽白光映人云軒轅帝女所植也數
千年來不知經幾兵火獨至崇禎時爲李

賊所焚恨哉余甲子同籍無錫錢其若

名振

先與黃蜚起義太湖兵敗同二子沉死湖

中顧子疑名亦然遁入湖州山中死王曉

仲

名孫

任廣東臬副張獻忠來攻自縊死

三臣忠魂死骨九原之下能無徼恩聖主
之思中興茂典似當首加崇卹聞既往之
幽貞厲將來之臣節矣不然人心士風至
今日頑鈍無恥已甚何以障狂波而返正
歟又韓不挾女卽公嚴妹也嫁鄭鄴子女
美甚鄴將賦新臺焉韓氏自經死年十六
早已有疏上先皇矣此又女烈之待旌者
也并識之

荆駝逸史

甲行日注四

五

十二日甲申晴大風異冷研冰

十三日乙酉晴風冷倏倏晨往青芝山日晚
未歸至門外望之條淅無黃草衰空白山
烟催曠昏鴉啼宿悄爾生愁傷懷不能已
也

十四日丙戌晴暖公玉綱尙送麋肉道家白

脯也

十五日丁亥晴暖甚月光疑雪

十六日戊子大寒陰冷顧仲熊和初度詩云
臨安石室又空廬桂樹山阿一古墟未把
今年論甲子只添新月映衣裾訪僧十里
從携杖得句千觴更細書已忍秋風愁客
思故園芳草任地虛一總爲浮雲極目迷
夢思迢遞上林栖樓居花近疎鐘晚野曠
梅橫落日西何事茂宏聊藉草懸知溫禹

荆院逸史

甲行日注四

六一

釁征輦誰人載酒香山曾彷彿壺公一指

提

二名天邊端
木次子

十七日巳丑雨大風

十八日庚寅陰冷大風

十九日辛卯陰冷爲聞果上人書冊

二十日壬辰陰冷風余見初度賚什亦復續
作數首兒輩又相率次之少或五六多則

至十首矣佳詩云波通霄漢注桐廬肥遯

無慚古釣壚梅蕊飄風香染帳松聲敲月
影浮裾十年彭澤看花酒十月漁陽候雁
書最是家鄉盡萑葦半窓幽夢幾回虛
吳地仙翁朔雪迷劈留詩興海中棲堅冰
夜合王師北舊臘雲深漢苑西數縷飛霞
閑掛笠萬家烟樹共傷顰秋風江上經年
事醉取樽前百感提二南陽誰是卧龍廬
冷斷柴門雨雪壚曉夢烽青鶴舞幕晚游

荆駢逸史

甲行日注四

七

潮紫雁迎裾楓凋羸得吳江句梅遶稀聞
蘆上書一片波光雲海外空山幽曠萬緣

虛

又

吳門白馬望重迷征閑憶塵迹浪栖

擊筑何人易水北聞笳夜如客郎西苔痕
卸雨緣多石菰菜摧寒况有鞳一自武林

秋色後故園蕪萎恨難提

又

侗詩云蹇

途何處問茨廬冷盡楓林瘦野壚隱待買

山頻逐客寒無沽酒漫携裾巒落倚暉落

橫篆窓色吟開試凍書舩舳一葦辜借泛
五湖明月望中虛一未逢詹尹卜心迷搖

落江潭卽可栖幾處夢游黃竹夜

去年是日舉亭

山雪大

一樽人旅紫雲西

鄧尉昔有紫雲樓

鐘浮經

字灰游缺香度詩光響梵輦歸去故園眉
介日萬峯樓上話重提二闔閭城外徧穹

廬無數侯門郭氏壩泥白己爭客舍席忘
機自狎海人裾豫章邱壑元宜畫太史江

荆皖逸史

甲行日注四

八

山盡入書聞道王師已北下祇令望極反
成虛一劍化龍津事已迷荒臺綠草鷓鴣

棲日因遲客飛猶繫月爲窺窓影不西佛
號降魔思寶杵軍名破虜望金輦天涯何

計忘蕭索夢醒踈鐘似耳提又梅林圍映

白楊廬遜世傷無白海壩松火敲餘堪煮

茗藕花消後未 裾

桂誰招洞鹿書莫道吳宮空見月遙聞

歌吹不曾虛一又孤雲出野去蹤迷

栖

光仍拱北風搖勁草任

吹西家荒陶令三秋徑源避秦時七國聲

古寺招邛乘興往履霜葛屨亦提提二又

信詩云陣鴉點點繞空廬四碧層山明月

壘遼海悲歌依短髮吳宮蔓草見長裾筆

花剩得江亭夢藜火吹殘漢閣書

亂後家無長物

矣相聚共尋寒舍日光陰莫令一番虛一

荆驢逸史

甲行日注四

九

江海今朝事幾迷閑中物候向風樓樓橫

縹緲峯迴北湖隔瀟湘景泛西製就荔裳

支瘦句折成蒲簡紀驚鞏疎枝萬樹簷前

老笛裏愁思荏苒提二摘盈芳樹綴寒廬

借得風光感故墟夢去天青歸紙帳飛來

岫碧贈惹裾霜弧莫問穿鵬技墨斧難寬

薦書漠漠上林傳帛後空餘望眼又成

虛一又覽盡中原赤霧迷伯鸞風在廡堪栖

不須仙藥曾傳法爲證禪華許接西遠黛

可邀馳素管

告洞庭山

寒流思枕洗腥鼙登高

是處羊公慨羸得詩懷兩懷提又仲蔚生

涯蒿蒲廬逍遙谷口霧爲壚淒同夜鶴鳴

堪和寒逼孤松伴有裾老去不妨陶令賦

人來如接巨源書

昔時交友音問多違

春光次第驚

園柳門巷依稀雪臥虛冰花片片杖頭迷

雞犬聲中遁迹栖楚佩有人香欲暮魯戈

荆院逸史

甲行日注四

十一

無策日揮西風傳晚吹悲靈瑟曲度新鏡

佇凱輦却想紅筵歌舞夜楓江舊事笑重

提又

回首行踪話舊廬黃公鑪畔數殘壚

愁心細冷攢梅萼奮思難飛引蝶裾午夜

幾樽消暗燼十年一日送窮書嶙峋惟有

岩頭石玉露兼葭溯不虛

又

明月中宵影

暫迷鸞皇若個棘林棲露撓文在祠虛昔

告渾東土地吳漢

羅綺愁多館弔西荒徑無鄰迢

晚馨旅眠猶穩隔晨輦還將無限衝冠恨

一向青螺髻裏提

又二

僊詩云層巒相映

碧圍廬門隱司徒卧雪墟禁柳衰殘看澤

柳梵裾淚徧憶朝裾掛空蘇屋衣常典紙

乏劉函葉代書正是夾中新數日旅鷓雌

寂莫教虛一笠澤銀濤天際迷貧餘瘦骨

乏錐棲九年面壁今纔二束嶺聞鐘再轉

西

臯亭各東山此名西山

衰冷敲壺悲漢樞歌殘擊

荆駝逸史

甲行日注四

十一

筦咽鞞輦關河泣斷宗周婺明月寒宵忍

話提二楊柳荒郊結草廬欲尋霸蹟已

邱墟空山叅栢花拈座曉墅看梅草濕裾

霜雪幸逢青眼客烟霞新注赤符書高岩

憑眺徒增感讀罷離騷楚峽虛

又

莫釐峯

上凍雲迷歲月侵尋薜荔栖霞蒂燕山遙

瞻北

大父昔菴玉田

林開少室近皈西每思河朔

元戎旆懸聽荆襄大將輦萬戶正深疑碧

恨嵩陽學劍幾回提又豹姿縈霧隱茅廬

三徑田園盡已墟彭澤豈知新伏臘吳門

暫掛舊簪裾迹同湖海悲留劍人異江湖

欲火書惆悵故交相慰問南冠搔首鬢華

虛又半夜鶴鷗漏 迷漁樵休問迹飛栖

似持秃節猶淹北留得麻鞋欲赴西拭目

會看新露布舒眉思靖舊霜輦傷心天保

虛金闕祇望中原匹馬提又

荆驪逸史

甲行日注四

十一

二十一日癸巳晴與信僊訪諧孟公嚴歸登

銅井荒

儉朴如此考之是宋直秘閣黃公子虛墓

金紫公孫也牛羊衰草之景感人矣蕙綢

蘭文亦以和韻詩至云幾曲松陰隱敝廬

晚烟落日靜幽墟岩間獨立雲堪服松下

相尋月滿裾故國已荒三徑菊深山還有

一床書瓷壘何必稱眉祝聊飲村醪不可

虛一哀雁孤飛烟水迷涓陽情重一枝棲

依衿李玉照
同居呂山橋寒花香度山窓下靜夜鍾聞

嶺樹西幽壑風霜愁歲月中原烽火暮征

鼙枕流漱石堪忘世鶴馭雲蹤願挈提二

小統
蕙網遶山寒色滿藤廬一片湖聲接野墟

客夢烟霞垂芟袖病魂形影曳蕉裙胡笳

萬里悲狐戍烽火連秋隔雁書無恨傷心

愁極日危樓倦倚夜窻虛一天涯一望水

荆駝逸史

甲行日注四

三

雲迷回首家鄉憶鳳栖兩岸楸碑遮澗北

半廊松椽暗簾西空悲曉月明妃懷感還

恨殘冰漢士鞞擊鼓起土鼓不
鳴傷家難也潛壑無觴

詩當酒漫期愁鬢證菩提二沈憲英
蘭英時亦

在李玉照處也蘭支又寄訊干瓊時在
郡亦

緘書至云金閨門內徧戎廬兩地相悲隔

鴈墟楓葉隨秋思笠水蘿梢驚夢淚湘裙

移來旃幕成遼月賣盡荆釵剩漢書零雨

瀟瀟山際響館娃宮閉佩聲虛一久遠膝

下夢中迷極目吳原若處栖護影階空堂

憶北蕙香吟老望蘋西翠拳無計消羗策

紅線偏將繫毳聲

二小繁
千瓔

王壻石鴉江水

迴捧觴不得酒親提

二小繁
千瓔

王石壻書亦

四首附千瓔緘中云誰問羊公舊峴廬愁

思繞斷古荒墟心傷御苑徒憐佩情老漁

陽但掩裾怨落留書續異史才高觀物杜

荆龐逸史

甲行日注四

十四

羣書卧龍今日吟何處遙憶承明涕眼虛

一長安極目苦淒迷漫慨河山看怨栖銘

石自存燕谷外賦樓空對漢京西宮花送

朝霞笛杜樹連飛朔雪輦聞說灞橋詩

思冷瘦魂驚老恨重提二蕭然漢月出戎

廬夢入秦淮燕子壚杯引柴桑黃菊酒道

枯匡阜白蓮裾沅裳淚掩埋豐劍岐鼓文

驚祀穀書憑看江東雲氣黯羈懷何處不

烟虛又一戍譙笳動暮鴉迷壯士蕭條傍露

棲倚馬辨文征薊北看槐凝劍落淮西中

郎別涕縈羌管平子新愁咽塞聲兵火於

今休更問樓蘭事向酒樽堤二名復烈

二十二日甲午雨冷大雨亘夜

二十三日乙未風雨冷

二十四日丙申雨止冷甚又得紅梅花三枝

吳茂申和初度云喬木誰今擁舊廬王侯

荆駝逸史 甲行日注四 五

第宅半邱墟空澆罵客塲中酒剩有朝陽

殿裏裾劍鐵消餘留面銖直書著就讀兵

書梅花兩度山中老莫調披緇日月虛一

少年同學歎離迷花島逢君得所栖無力

拔山超海北有懷採藥到林西聊翻貝葉

醒遮眼借用檀椎醉擊鞞新恨感懷增一

歲不勞春鳥再三啼二名有茂申姪海序

亦寄和云托迹何須問舊廬長安幾載屬

邱壘金魚姑換逃禪酒石角時鈎探藏裾
豈借廣陵辭吏部正令長樂快中書憑君
留得方瞳在共見河 映太虛 一桃源毋

今再來迷逢著山中客可栖木落難瞻陵

寢北月新曾醉瑣樓西寧拘草檄違經偈
自取催花當鼓輦方寸與年深感恨更堪

鶴唳夢中啼

二各
且

二十五日丁酉陰冷太冲遺天竹子一枝山

荆駝逸史

甲行日注四

夫

茶花五朶家中以半眺閣遺書至都成殘
帙悵恨無極

二十六日戊戌晴蔣仲芳送仙傳正氣丹云
元旦焚之辟邪夜奠丁大司空以紫方錦
片幅廣二三尺許如坐褥大金書忠孝二

字貽余余懸置堂中誥命匣上

二十七日己亥晴天色妍好趨步至太湖濱

一荒庵古栢膠枝大有竒致登管束溟先

生墓愴然深先生之思

二十八日庚子晴冷風

二十九日辛丑晴暖仲日遺宿歲之肴栗野
鴨

三十日壬寅晴暖如昨顧仲熊亦惠紅腐及
肉旅館寒燈去年檢點有三今其四也然
普明庵父子五人同之今侄侗又在青芝
山相去十里矣山荒屋少故析居之耳卽

判駝逸史

甲行日注四

七

一家聚散不定如此

甲行日注卷之四終

甲行日注卷五

茗香容衲 木拂 纂

丁亥正月初一日癸卯元旦卽立春也微雨
卽晴率兒輩往聖恩寺薛諧孟韓公巖亦
至同見剖石師於禪室中藻稅精美左掛
畫塔一棟塔書法華品七卷字如芥子佛
字卽在中間佛頂上菩薩字卽在兩旁菩
薩頂上人巧天工相錯不知創始何時趙

荆駝逸史

甲行日注五

一

松雪爲摹出此又臨松雪本也松雪本今
在揚州右供古大士像李次德筆亦甚高
妙又茂申仲日來又楊維斗來有蔣仲雄
同在

初二日甲辰陰大風沽酒稍作山中主人
初三日乙巳甚冷早有飄雪卽晴大風飲顧
仲熊齋予白云望氣者見鄧尉山頂有紫

雲如蓋當是佛法之瑞萬峯時故有紫雲

初四日丙午晴遷茗香庵

初五日丁未雨飲顧太冲家暮大雨

初六日戊申大雨

初七日己酉晴冷大雨風過子立非齋崑山

王淑士園亭也夜止宿

初八日庚戌晴訪吳茂申於顧筍洲亭小坐

置酒留飯游碧峯山五雲洞宏廓窈邃揆

荆駝逸史

甲行日注五

一一一

剔石窟頓成各勝固是筍洲之巧未免人

工過多雕鑿補綴痕迹歷然夜飲公玉家

止宿

初九日辛亥晴訪諧孟公巖三關上人飲綱

尙家沈留侯君山來一晤卽去

初十日壬子雷大雨竟日陰和除夕元旦詩

云昔日雄心恨不除萍踪又過一年虛霜

高人度陽關外日暖花看漢臘餘山異羅

浮傳綵蝶藥無王母餌瓊魚靈均空有行
吟怨憔悴江潭未卜居一共物候欣再逢
春遊子情惊竟未新每念栢觴渾欲倦自
甘藿食豈嗟貧兩年望遠王正月三度悲
添世老臣獨有五噫高士恨今朝難問誦
椒人二洞亦和云北風吹臘去庭除寥寂
無情望碧虛九轉暗驚疑隔世珠流到盡
憶三餘鄉思怯瘦非如蝶內熱懷冰欲化

荆駝逸史

甲行日注五

三

魚憔悴一年已送晚慵將殘燭守窮居一

梅開猶帶漢時春澤國江山歎未新同學
輕肥誰不賤獨驕岩穴自長貧靈均既放
經三載重耳從亡愧五臣冉冉修名空怨
暮屠蘇讓盡少年人二

十一日癸丑晴顧太冲來袖出和篇云收拾
窮愁餞歲除幸從貸實瓮中虛搔頭帽髮
羞看短插膽瓶花喜供餘梅塢不賒千日

酒桐江還釣五湖魚經年山曠吳儂面相
識無過只此居一漢家無歷不知春依舊

江山國號新北地鼠狼皮莫貴南陽龍虎
首皆蚤聞風起海甘遺老臥雪埋山自放

臣爆竹聲驚雙鬢客屠蘇酒醉六朝人二

適仲日和什亦至云歲事俄驚此夕除火
盃破臘小庭虛樽前花萼烏啼後鏡裏芙
蓉鶴舞餘喜見班荆趨鐵馬愁攀叢桂問

荆駢逸史

甲行日注五

四

金魚買山深愧巢由處碧柳新栽更卜居

一剛逢三月滿三春百歲欣看屬再新似

筆木花斑椽老如錐細草馬卿貧擊來日
月雲臺客留得烟霞草莽臣一醉屠蘇梅

信近折枝相贈慰佳人二

十二日甲寅晴冷薛韓同來諧孟見仲日和

余初度詩亦次韻云歸鴻不忍問吾廬休

詫遼陽尙未墟溪雨頻沾穉架帙山香初

晉過籬裾經旬不見惟詢藁快事纔吟怯
授書我更悠悠路車感與君同賦夜窻虛
一 漠漠梨雲夢不迷側身天地久幽栖燎
衣客話潯沱北磨楯軍傳灞產西湯餅封
胡自間讌雞豚社火亦聞擊啟函試詠滄
浪句釐酒將斟合耳提二 諧孟自次仲日
故有悠悠路車之語別去過仲日倍僭借
行仲日留薛招余適佗侗自青芝山來遂

荆驍逸史

甲行日注五

五

俱往潭東茂申予白亦不期至迨暮茂申
佗侗以路遠先別吾輩後散薛韓仲日又
復過茗香庵蒨蔬醃汁坐語更餘俱止宿
十三日乙卯晴暖景色明麗梅梢半已放白
矣

十四日丙辰晴暖石壁庵慧圓上人來

十五日丁巳晴暖往舊館折梅花一大枝奇

峭古拙崇孫又覓得紅梅花水仙花同插

瓶中空山蕭寂晚步庭階深負明月

十六日戊午雨水晴暖姪孫雲奕來餽以一金

十七日巳未晴暖楊維斗來又元長上人

十八日庚申陰風夜雨

十九日辛酉陰冷聖旂來午後風雨

二十日壬戌風雨大雪冷甚

三十一日癸亥晴冰異冷

荆驪逸史

甲行日注五

六

二十二日甲子晴余同年賀公調

名驪丹忠陽人

勞任事以蜚語死詔獄家貧喪妻于余所

知也頃諧孟云公調曾聘繼夫人 氏未

及娶被逮至今矢節終身真可憐感也夫

爲臣而以忠死爲女而以節老天下扼腕

傷心之事何可道哉

二十三日乙丑陰冷往石壁庵三面皆石止

一片如斧創就南瀕太湖菴藏壁圍中景

曠地僻遠眺茗雪諸山猶有殘雪晚映二
帽在目亦一快覽也吳茂申趙締之亦僧
服來不值

二十四日丙寅陰冷慈覆上人來云上世卽

黃金紫公

名挺

宋真宗時人和豐菴亦剏於

宋銖山瓊禪師居此石霜圓法嗣也管東
溟先生於地中掘得菴碑故復建之菴猶
有瓊遺像五燈不載

荆皖逸史

甲行日注五

七

二十五日丁卯晴暖顧端木大鴻自崑來往
候之以候雍瞻記原研德智舍所和忠烈
詩見寄雍瞻智舍又俱有酬答之什但與
諧孟并耳雍瞻云從聞大畜有餘天堪笑
空中習舞聯春色還人應有分五中置子

待何年

注云
自寓

葉公今見真龍好米老遙看

拜石眠

諧孟
各爲米
隱

怪底青山餘瘦骨羊何滿

篋和歌篇

名破
會

智舍云曲江騎馬共朝天

白下官曹幾接聯薛賤子已成懷舊賦通

家頻話定交年薛公賣酒休長隱水部看

梅省醉眠會有中興訪遺佚憑將問氣入

詩篇各元公季子也端木留飲因談秦中

有異僧能為李少君之術不必隔帷望也

可以覲面晤言韓城衛帶黃名景環乙丑進士撫大同

殉公子年二十餘喪偶其閨人才色兩絕

公子思不能置僧為招魂昏夜冉冉而至

荆楚逸史

甲行日注五

相去二三尺姿容灼然聲語明哲竟夜對

談五更影漸淡不見

二十六日戊辰晴登茶山看梅花如綠雲覆

雪松梅相錯

二十七日己巳晴與僧偃閑步西蹟山下立

湖泚石上遠望悠然山行盡日不逢人裏

裏野梅香入袂此景似之坡公詩

二十八日庚午晴詣孟遺惠山酒二罇顧敬

修來

二十九日辛未陰風趙欽仲來僧服

二月初一日壬申晴顧大鴻扣初度云遠山
入望似匡廬烟景依依陶令壚覓句盡凌
長慶體聞香猶識建章裾栖遲祇樹翻唐
譯顧盼雲臺讀漢書古幹空山鱗未老天
南雨露不教虛一瞻烏莫歎路長迷今日
東山只暫棲酒國巧當竺國裏書城應在

荆駝逸史

甲行日注五

九

化城西喜推赤伏尊圖籙怒檄黃龍贊鼓
輦會見詔求工部集新詩開卷記招提二

名天達端
木長子

初二日癸酉驚蟄冷甚大風雪抵暮雪止寒

更劇薛惠酒已罄村醪如水下酒止一乳
餅又冷物也借得豆少許炒之忽聞扣門
聲則仲熊致字倌僮云雪中覓得一野鴨
招共食之時天已暗積雪在塗故兩兒謝

不赴然神熊夜情深念友矣夜大風及曉
初三日甲戌晴大風冷甚雪半消日中復飄
飄集也顧端木和初度四首云茫茫天地
任憑廬喬木森森映古墟閉戶不聞長者
轍焚香獨攬化人裾行藏夙世金門隱哀
樂中年午夢書牘有壯心降不盡悲歌明
月動窻虛一世路於今七聖迷不關福性
且幽棲杖挑風雪阜亭外幙捲烟波震澤

西觀象五雲晨演易談兵八陣夜謹輦慚
余孤負梅花約紫陌青樽只自提二空山
高卧卽吾廬暗有龍光在斗墟薊北已殘
周禮樂江南誰憶晉簪裾家餘滄淚陳情
表坐待圍碁破敵書海上稍聞消息近試
拈詩筆欲凌虛又三朝明舊事多迷流落
孤臣好共栖物色夷吾江左右謳歌建武

漢東西閣成春草池邊句度入寒風塞上

輦翹首日南新詔下公徒十萬待親提二
夜宿僊偶留仲日處菟萊獨酌凄情可掬
初四日乙亥晴與宿僊逾銅井山嶺登巖文
靖公墓至金魚澗訪趙欽仲已往龍池矣
返從西磧之北內窰外窰松梅桑柘組織
相錯杏花猶未圻也登斗柄石欹突橫亘
北望晉陵陽羨諸山微黛臙臙如抹天上
不能分明湖平如鏡清光灩澦漁艇百帆
欲遠欲近返茗香十里餘矣

荆駝逸史

甲行日注五

十一

初五日丙子晴登妙高峯崎嶇巖絕不勝攀

躋之困峰頂坦平松陰數畝元長築靜室
松間名古德雲詩屏畫壁花床茶榻精潔
素雅庭中老梅叢桂踈篁細篠參差有致
具區泓然浮環檻外聖恩寺後大二峯石
天然靈妙恨無辨才如風篁嶺洗淬出之
則一山盡然矣朱勔欲進花石綱而石根

連太湖直接洞庭故不能動也還至青芝山斜日落矣侄沽酒留端木父子共談往事端木云乙酉秋崑山婦女少艾不辱節投水者四百餘人

初六日丁丑晴午集侗寓夜飲徐慶宇家

初七日戊寅晴暖訪黃金紫公墓不得有二石人臥埋土中云卽是也半崖一松高大奇古宋元祐至今矣然第三本也其二天

荆駝逸史

甲行日注五

十一

矯尤異風折土人薪焉慈覆繪藏之亦祇圖其一本

初八日己卯晴往圓照庵相去咫尺菴主靜明頂日法屬也聞□在浙所掠婦女卽鬻郡中徽人以五十金買一少婦大有姿色又一處子索價五百金未有所主傷矣哉

初九日庚辰晴風薛諧孟作余小像贊云或

驚退之雲衲或疑于瞻雪髯風骨何慚二
老嗟逢天寶建炎余何敢當之初畫成頂
笠執杖適有山隣見焉曰此韓文公也衆
皆囁然端木云

初十日辛巳曉雨午晴

十一日壬午晴吳子方來

十二日癸未微雨烈風端木招同茂申小集
往赴之道上杏花初放如美人新粧濃淡

判駝逸史

甲行日注五

三

之間妙極妖麗恨封家姨太不護惜耳

十三日甲申晴

十四日乙酉晴

十五日丙戌晴

十六日丁亥陰冷夜大雨

十七日戊子雨冷

十八日己丑春分晴冷

十九日庚寅晴顧端木拉往二窰看杏花稍

爲風雨殘矣有數百樹茅檐村舍雞鳴犬
吠俱在杏花內畫景天成相對思酒甚村
無帘市土人引至一菴中飲茶數甌返從
銅井嶺上游共九人

二十日辛卯晴風

二十一日壬辰晴暖信僮渡太湖訪蔣仲芳
慈覆來贈詩云高才落落動雲霄投筆岩
阿好掛瓢閑問道林調鶴處亂窻穿影讀

荆峽逸史

甲行日注五

古

離騷 一畏逢人世卧空山采藤茹芝老謝
安白晝豺狼爭鬪立丹心午夜貫天寒 二
抱膝長吟隱翠微垂虹烟霧逼蘿衣秋風
莫釣汾湖水七十二山雲正肥 三梅花開
落此山中春水秋烟萬古空不向嶺南問
半偈別峰吹到月明鐘 四兒輩夜歸云盜
船出沒湖中已有百餘剽掠之風又成矣

又聞初聞口北去時有一船擄掠金華三

女子泊舟夢亭賣之二索五十金一十
四歲者索八十金一人具八十金矣復
欲增足百金其人遂不能應將止此女
於船上叩首泣告云我范尙書孫女也
幸諸君憐而救我毋使沒於□中聲容
俱美無不哀之須臾華家義兵船十隻
涌出□盡殺死三女奪去此猶勝於北
行耳蔣仲芳言

荆楚逸史

甲行日注五

五

二十二日癸巳晴風和豐菴看杏花同太
冲

二十三日甲午曉雨午晴徐瀑懸

各匡杖

遺書

長篇連札推許太深愧無雜佩報之中云
人俱有集未聞婦德之相諧子卽多才寧
見女宗之並秀指午夢堂刻也又贈五言
律詩四首云風雅爲家教和平被一時詞
壇俱小子文帳得雄師門內人人集閨中

箇箇詩鄭公還有婢出語解人頤一解蘭
仍結佩逸韻滿眉端酒盡還留客家貧爲
作宮紅蓼五嶽杖綠籜百年冠恬淡風流
出悠然物外看二戎馬橫江表香荃無近
尋孤蹤慚被髮羣從盡投林風雨前朝夢
冰霜古寺心悲歌兼短筇會作海潮音三
努力成菩薩聽鐘日又斜故巢無乳燕到
處有鳴笳去吸汾湖水來噴鄧尉花東隣

荆駝逸史

甲行日注五

夫

人未老相約過瓶沙

四

子能

原

高才也謔

於病蹇邱明士曰脚疾亦是大事在褚淵
則爲覆餗在瀑懸能無彥威之概哉

二十四日乙未晴風

二十五日丙申晴風思米道人久不晤矣率

倌僮訪之道經真如小築有桃花二三十
株本小而色艷如亭亭嫋嫋十三初餘卽

妖顏冶笑婀娜帶人又道上二山茶花樹

如蒼虬花繁朶小宋天壽故址也花故禪
院中物寺已毀盡花猶巋然紺容寶刹不
如一無情之楹耶造薛廬則茂申仲日先
在公巖亦昨自梁谿來矣談一晌各別
二十六日丁酉晴風沈心明特自汾湖來候
送以江鱗留宿去

二十七日戊戌晴暖甚與倌僮往青芝山又
同仲日至茂申處出酒佐談云閩中之變

荆皖逸史

甲行日注五

七

聞曹能始先生死之又至先聲殉難太末
郡一小史方垂髮甚美以六金餽□求收
葬先聲□不許而又悅其貌也留爲役小
史遂自經死失其姓名惜哉歸繇聖恩寺
田庄桃花數十樹盛開遙望如霞逾黃泥
嶺出破屋雨霏霏下及天井大雨衣履俱
濕踉蹌祇茗香暗矣

二十八日己亥朝雨大風陰冷夜半又大雨

二十九日庚子陰冷風

三十日辛丑陰午後大雷雨

三月初一日壬寅陰午後小雨管子同子元
翼元歸來茗香主人東溟先生孫也陰雨
淡日澗中潺湲聲如駛不輟汨汨皆西流
故有一往之趣

初二日癸卯大雷雨欲往百福掃墓不能去
初三日甲辰清明雷雨

荆旋逸史

甲行日注五

十六

初四日乙巳雨自朔迄此夜四夜雨徹曉矣
初五日丙午雨冷

初六日丁未晴冷天井看海棠主人贈以二

枝

初七日戊申大雨夜寐中誦天親菩薩語祇
是梵音和雅令人樂聞不啻百徧曉寤猶

未置口

初八日己酉陰午後細雨

初九日庚戌晴

初十日辛亥雨閱東坡集公貽黃魯直牘云
聞行囊中無一錢途中頗有好事者能相
濟急否不覺一歎山谷盛名之下固自不
同宋世亦或有此風俗求之今天下難乎
其人矣

十一日壬子雨午陰慈覆靜明先後來

十二日癸丑晴往吳山出光福始見楊柳菜

荆駝逸史

甲行日注五

一九

花春光生意兼相暢美度石湖至越來溪
南橫山蕩外二三十里黃香巨野別一世
界矣

十三日甲寅晴拜墓歸道中晤沈洽佐出所
作曲相示猶乙酉秋贈余父子祝髮詞也
撲面胡塵秋風颺愁髮三千丈難支幾夜
霜夔整纓冠拜手皇上海血染楓江數丹

心一縷青絲放步步離恨隨天老思君落

日長寧憐綠髮看無恙酒不漉葛巾陶元
亮冠不載故里文丞相不是他傷心釋像

撐個東土綱常倒藉那西方和尚江兒蓮

花香世界貝葉古文章跳出個鬼嘯神號

瀾天網且自築靈臺雲水鄉佛佛銖錚錚

頭顱那廂捐碌碌衣冠這廂試看取推三

瞞兩自弔膽與懸腸更頓首且誠捏園林好

一朝百萬鬚眉葬舉世裏那堪喝捧任他

荆說逸史

甲行日注五

二

雪浦毘廬月滿床尾聲治佐各
承隆吳江人

十四日乙卯晴慈覆送新茶一小函

十五日丙辰陰淡月松梢夜景幽絕

十六日丁巳晴往茶山看太湖卽至太冲寓

坐樹桂下飲新茶食松花粉

十七日戊午陰吳茂申包驚幾徐深明同仲

日來慈覆送製蕈三種日夜宿

十八日己未穀雨晴與兒輩游董宗伯墓登

朝元閣閣三層高大宏爽縱目四徹閣下
寶珠二大本花致已闌燕子交飛庭戶矣
聞王明甫石書至茗香菴卽與倅偕歸相
遇塗中於銅井山松下一坐而別明甫惠
陳酒二罈石書送食物四種華朗玉同在
別十年矣幾不相識
十九日庚申晴夜夔作二語云海內卽今紅
日透性中元自白雲多性中故自分定

荆皖逸史

甲行日注五

三

二十日辛酉晴往圖山拜墓二十一人各叙
別後踪跡可悲可涕姪孫冲元子繇送酒
二罈元豐呈和初度詩云瓢笠蕭疎客子
廬未堅酒律醉松墟自甘衡澗長餐蕨恥
向風塵更曳裾我弔好思周道日人思排
難魯連書奚囊擊鉢詩成後浩氣蒼茫貫
斗虛一自入桃源漢魏迷亂餘聊借一枝

栖傭耕地步徐無北動操山如岳渚西花

徑醉歸攜月塵松岩樵罷怨霜輦泰來此
日陽和轉靜聽還轅佇耳提二名舒二兄

幼輿亦和余二什云寂寞松杉一翠廬蒼

茫神宇變成墟常隨野老還尋蕨每訪禪

朋共曳裾從古亂離開聖運豈今泉石闕

徵書行吟抱膝猶閑事直把愁身寄六虛

一 樵悴烟雲世路迷誰云岩谷喜幽栖愁

聞醜□遣遣北思見佳人欲到西竹帛豈

判駝逸史

甲行日注五

三

知今日淚烽烟猶似舊年聲慙遣一老艱

貞曾願祝南山不忍提二又出梨川諸友

賚和之什吳似凡名大云滿貯烟霞靜結

廬芳桃美草自村墟恩承金馬懷緹袋服

返樵漁賤錦裾高卧東山千日酒勝當南

面五車書將求古劍來丹詔墨藻重膺舊

子虛一再尋漁棹卽成迷五曜連輝共合

樓古句高吟收薊北時賢交口誦關西名

山宰輔韜經濟絕壑雲霞斷鼓鼙拜首鐘
簾如故日歡將如意手重提

二吳雲生

名垞

云聊將鄧尉擬匡廬學道潛修石隱墟只
向空門了中性不隨世路復塵裾寄愁甕
有長春醕作史胸藏萬卷書野老相逢推
祭酒龐眉燧燧領元虛

一

曉窻瑞靄半離

迷百鳥欣逢繞樹棲銜切舊恩時面北誦
持新諦樂飯西空中共子扶筇杖山外憑

荆駝逸史

甲行日注五

三

人說鼓鼙雅有長生自在訣鞏家雀籠不

須提

二

潘君倩名融云寧用居山遠訪廬但

容游屐卽仙壚聲傳麓竹當鳴玉翠滿岩
蘿可製裾早軼高臣歸藝菊更齊處士却
徵書嵐光曉暮皆能致嘯歌幽懷自不虛

一青落空嵐畫欲迷好延達世結幽栖登

臨侶鳥歸雲外著記遲鍾度月西夢入渡

江猶擊楫居環迴岫不聞鞞山中有問餐

薇述幾使歔歔未忍提

二史

各明云

得賣吳山結隱廬依松旁竹遠村墟時忘
幽憤還携杖社重耆英懶曳裾薇美侑傾
干日酒泉香烹闋一床書身閑已冷青雲
夢元鶴無嗟蕙帳虛一翠微深處五雲迷
好寄投簪晦迹棲養鶴引泉歸谷口護梅
築雪補牆西侶皆陶後耽書酒俗類秦餘
厭鼓鼙喜得著書閑散日遠公有約過招

荆皖逸史

甲行日注五

五

提二 余時年七十八初度之日雪花當酒
寒氣侵梅俯仰凄懷率然成咏山中堆山
飯庵瓶隱萍洲諸君子交相屬和共慰岑
寂不意好事者傳至梨川故鄉諸友猶不
鄙忘老衲連篇郵寄脩極才思駘蕩之妙
但嘉譽過情竊不敢安耳

二十一日壬戌晴歸至青芝山佺寓同二兄

幼輿姪叔秀姪孫元茂夜集各送食物共

六種

二十二日癸亥晴諸姪於圖山墓所已叙患
難之蹤慰澗別之懷矣復有枉道訪余山
居欲識蟻陂隱處也共九人午後游得閑
亭入翠微深處一僧病不出岩徑寥僻松
竹楚楚同年李子木僧服同元長上人來
夜大雷雨

二十三日甲子雨同子姪冀飲公玉家

荆皖逸史

甲行日注五

重

二十四日乙丑晴

二十五日丙寅晴兒輩往聖恩寺看華嚴道

場徐慶宇招余同陸明湖

履常
封翁

小飲陸年

七十矣亦僂服品雅格高博綜今古諳練
有識談言不倦云曾見建文實錄載出亡
事甚明致身錄是贗書

二十六日卯丁晴沈君善來釋號寶威午飯
別去余與倌僮返茗香庵

二十七日戊辰陰

二十八日己巳午晴張壻邇求來家止一擁
腫僕出外借米厨無皮菜不能盡主人情
悵然送別

二十九日庚午大風晴夜雨

三十日辛未曉雨午晴

四月初一日壬申陰

初二日癸酉晴風

荆駝逸史

甲行日注五

三

初三日甲戌立夏陰午後雨

初四日乙亥小雨多風往和豐菴綠穠遠徑

紅薔薇花嬌映澗邊籬上澗上一石缸已

掩翠叢中矣庭中梅杏淺陰青嫩蜀葵娟

娟砌間蘭花在缸零澍小沐飲新茶食笋

豆聽黃鸝聲悠然塵埽之外而慈覆以冠

盜縱橫爲歎真滄海橫流處不安也歸卽

雨濛濛沾衣矣

初五日丙子陰

初六日丁丑曉雨卽晴湖中盜賊日益多有
旦夕不可保之虞

初七日戊寅細雨

初八日己卯晴連陰淡雨此日大開壽佛力
也聖恩寺浴佛觀者有千人飯予白君善
寄紫栢畫卷至石書來侗僑附丹往善人
橋別尋居停余竊綱尙家侗倌往呂山告
貸歸晚宿予白靜室

荆駝逸史

甲行日注五

三

初九日庚辰晴往茗香菴其守冢奴已入盜
夥冲山避亂諸人及酒家王承之一夜他
徙矣內止空屋外無行人淒涼之景足堪
流涕余與茗頭收拾行李出返經天井舊
館祇見韓嫗送其二幼婦往匿他所而嫗
泣留守舍復至綱尙家或云寇已入眞珠
塢或云搃庵上不容出入市中有虎豈僅

三至道路人皆失色仰視天日景光爲慘
佗僑歸亟往就遷計僑僑督舟余與佗伺
步行二十里抵舊園園故里人周氏業也
周貧鬻于余家萬歷己亥余年十一歲隨
二先人在此數月墅舍無多小成位置樓
北二桂樹甚大西有涼亭亭前方池池中
菡萏池上二西府海棠與二桂在當時亦
數十年物矣四圍長松錯似梧桐桃梅蕉

荆駝逸史

甲行日注五

三

竹門外高榆列植澗水潺暖繞流是秋卽
悲失怙園屬婦翁沈懋所丁巳懋翁掛冠
栖遲五載壬戌捐館仍爲汶陽之歸內弟
沈君庸借居之余公車君庸甲子遂私售
于崇明黃生黃又與高婦素稱虎人咸畏
之其半典與華朗玉已授價矣怵負嶠不
敢近屋徒空在故余亦借華暫居然數椽

坍塌破湫陋不堪花木竹樹削伐殆盡虎據

臂出悍橫萬狀無容停足不得已至王虞

載家

明甫弟也

時石書寓焉因得見于樓于門

外大樹下看月夜談宿願伯升家伯升故

世族老於諸生卜築小隱庭中紅花離披

布繞一室爛然牡丹已謝芍藥初放北窓

碧蘿掛檐紫黃拂戶伯升品趣古澹特論

醇正臧否人物鑿鑿中窾亦時及詼諧排

蕩之致能詩年六十餘矣云丙午秋宜興

荆峴逸史

甲行日注五

堯

遺才試時曾一識余今已四十年

初十日辛巳晴熱兒輩俱往一雲余在伯井

家過華朗玉留飲酒佳松花餅更精同伯

升仲日

十一日壬午晴訪楊虞咸石書左隣孝廉楊

叔來子其弟文夢卽朗玉婿年十七翩翩

美少年也

十二日癸未雨伯井煮茗坐談卽木山茶香

味足敵芥葉製焙精也又出酒飲之朗玉
石書仲日及兒輩皆在夜大雨至曉

十三日甲申大風雨午後止

十四日乙酉晴大風忽傳盜西至士女奔竄
不遑既息又自東來人心益駭余輩避紫
霞菴幸不登岸舟行竟去紫霞菴者乙酉
夏土人避□至小山巔上有紫霞摩盪因
止其處凡陰雲下者輒獲安穩□去異之

荆皖逸史

甲行日注五

三十一

更往審視則蔓中有世尊大士三元諸像
在焉因共爲結庵庵初草創未能庇風雨
也郡中多異變長洲學文廟有黑氣上升
民家服什在外者飛入半空墮下者皆碎
衣或寸剪泮水激起相鬪又一夕凡街巷
門上有○者又者或紅或白又或字如蝌
蚪不可識者闔城盡然是二三日內事

十五日丙戌晴遷茅塢徐墓秀菴堂山徑窈

僻樵聲絕響院宇高敞房闔明潔堂供佛
庭皆方石平鋪天目松東西各一砌以高
臺松下多虞美人花時已開過抵結穗在
堂後梧桐二本涼飈綠陰踈靜可愛守舍
僧達如甚樸已居華山其徒韜志在焉徑
侗居一雲庵因續明也

續明曾住
實生菴

十六日丁亥晴叔秀元茂元豐來元豐從掃
墓歸人多問余近況者元豐以詩代答云

荆峽逸史

甲行日注五

三

槐深柳暗澗萍新蘿薜垂陰自遠塵亂後
身心休靜域老來詩律愈驚人西山終隱

多三士

父子共
五人

東國懷歸有一臣幽徑松

烟迷醉客長愁豈爲馬卿貧蒼頭往茗香
菴尙有書籍在也門上銅銷裂去餘酒在
鐺亦爲罄取王承之以鐵銷代扇焉承之
梁谿舊俗家貧世亂飲酒鑪間憐余寡力

恒得其助也

十七日戊子晴信僊往一雲朱子布來禮髻
如雪不見十餘年矣忽於此地一談今昔
臯亭山寄錢賡明緘至

十八日己丑陰大風小雨僉無殊來亦自東
渚倉皇移此居咫尺也又楊文燾同徐陶
二射聲來

十九日庚寅陰風夜大雨

二十日辛卯雨冷

荆駝逸史

甲行日注五

三

二十一日壬辰雨冷

二十二日癸巳陰冷午晴

二十三日甲午晴與信僊往天池訪姚文初
寓葉華山家華山追述萬歷丁未秋余同
袁若思在山館其叔振山家迨今四十年
矣華山則小余一歲云留余飯辭之同顧
仲熊仲日至一雲菴徐墓規模何其鉅麗

闕壯也毀白馬爲之門前大榆四本猶是

香火遺思宋時物矣松較黃金紫隨上更
大亦紺園故植當在元祐前耶歸經紫泉
廟三栢更竒怪司徒廟伯仲也此都不見
郡志何歟

二十四乙未晴風蔣仲芳來饋藥

二十五日丙申晴包驚幾兪無殊來無殊亦
和初度云崖畔蒼松偃草廬幅巾藜杖傍
烟壚日招僧侶香盈鉢夜坐梅花影滿裾

荆皖逸史

甲行日注五

五

一

醉後遣荔元亮酒時來聞理橐駝書江籬
可佩頻相憶回首天涯又是虛一花源一
望白雲迷携得家人此共栖采掇每依芳
礪北嘯歌長倚竹林西有時登陟親樵牧
未得昇平怨鼓輦嶺外無從問消息月明
夜夜近招提二□在長岐嶺錢家澗二潭
殺人如刈蒯搶掠婦女貲什不可記楊維
斗如樊叅軍坦矣故往一雲商更遷之策

迨夜又聞□於山中索九人焉楊維斗薛
諧孟姚文初陸履常顧端木吳茂申包朗
威驚幾及余

二十六日丁酉晴夜至楓橋止僭從焉飲湯
重卿樓予白李君采在重卿義士也君采
素心人也知九人之言皆訛因維斗而風
影疑耳然人言藉藉山中矣不可以久留
矣

荆隲逸史

甲行日注五

香

二十七日戊戌晴大石尤風薄暮抵周君謨
家舊榻依然池亭如故今昔之感能不繫
之尙友齋前杜鵑花凋殘已半大可惜也
余亦十年不至矣是日偕與仲日往楓橋
侗信出山南行數遇光福東廻□兵危履
虎尾邀天之靈得以倖脫

二十八日已亥大雨見甥女嚴小瓊良翰設

午酌書城出其闈人芳在各芳及姨宛在

二詩芳在病中作云女子無文可送窮愁
心脈脈許誰同殘燈明滅黃昏候一枕支
離白日中自顧傷禽難振羽那看病樹又
臨風朝來強起憑欄在花影依依霧氣濛
宛在次姊韻云深閨寂寂意難窮綉罷傷
心每自同再讀高堂懷病句倍添兒女坐
愁中爲憐雁隊依宵夢轉傍粧臺怯曉風
消瘦枕痕緣底事不情不緒更蒙蒙我友
本頃爲兵火失去

荆駝逸史

甲行目注五

三

一

顏開美女也宛在適茗人郁婚未一年鬱
鬱死死年十九芳在詩名綉閣草余鈔一

二十九日庚子晴造周仲烈家仲烈子其凝

和余初度詩云好買青山締草廬烽烟非
復舊村墟甘隨蘇武堅持節忍比鄒陽漫
曳裾破衲閑來維種樹翻經懶去尙鈔書
歌詞久著登樓宴羸得高名徧六虛一桃

源何路可重迷對水看山卽故栖詩酒自
同窻臥北功名不藉塞籌西五湖烟月留
琴履四海風塵念鼓鞳領畧逃禪堪去俗
言文身隱寄招提 二名撫 年甚少餘詩更
多佳者與君謨家諸昆俱不就試兩君義
方善矣

甲行日注卷之五終

荆楚逸史

甲行日注五

美

